

## ¡BOMBA!

De humanidad tan supina,  
ella sí supo escuchar.  
Al pueblo dio voz Cristina;  
¡imposible reemplazar!



# K'uintsil

Edición de fin de semana, del viernes 22 al domingo 24 de diciembre de 2023

CAMPECHE · YUCATÁN · QUINTANA ROO · AÑO 9 · NÚMERO 2141 · [www.lajornadamaya.mx](http://www.lajornadamaya.mx)

## YUUK,

### K'AAS U TI'AL KÉEN JO'OP'OK U K'ASKÚUNTA'AL U YOTOCH

U sientifikoil k'aaba'e *Mazama temama*, juntúul u jejeláasil kéej, ts'ooke' leti' beetik ma' u xóot'ol u wóolisil tséentaj ku yantal yéetel uláak' ba'alche'ob, ts'ooke' táaka'an tak u mejen ik'elo'ob k'áax, tu ya'alaj Gonzalo Merediz Alonso, máax jo'olbesik Amigos de Sian Ka'an.

Tu ya'alaje' u jejeláasil ku k'aaba'tik mazama, kéejo'ob jela'antak ti' le sak u nojo'obe', ts'ooke' ku yila'al ichil tuláakal amerikanoil lu'um, yéetel yaan kex 10 u jejeláasil. Ba'ale' tu petenil Yucatáne' óoxp'eel ku yila'ali'.

Uláak' ba'ax tu tsikbaltaje', ichil kéej suuk u yila'ale' ti' yaan le k'aaba'inta'an beey temama yéetel pandora, ba'lae' le u ts'ooka' u jets'maj u moots tu petenil Yucatán, yéetel mix tu'ux uláak' yaan.

Yuuke' ma' séeba'an u yila'ali', ts'ooke' ma' xan séeba'an u

k'ajóolta'ali'. Yaan tu'ux ku chu'ukul ti'al jaantbil ba'ale' ma' leti' u ya'abil le ku ts'oonolo'.

U jela'anil yéetel kéej suuk u yila'ale', yuuke' maas séeba'an u yu'ubik wa ku k'askúunta'al tu'ux kaja'an tumen yaan k'iine' ma' xan tu k'amik u ka'alalo'ob ti'al u tséenta'alo'ob tumen jach jeets'el ba'ax ku jaantik.

Ichil ba'ax jets'a'an tumen Comisión Nacional para el Conocimiento y Uso de la Biodiversidad, yuuke' ku aaltal tak 17 kilóos yéetel ma' tu chukik maanal 70 sentimeetróos u ka'analil. Mantats' u máan u yúuts'béent iik' ti'al u yu'ubik u book wa yaan báalam naats'.

Yuuke' ku jaantik u yich che'ob, kuuxum'ob, loolo'ob nika'an, xíiwo'ob yéetel le'ob.

MIGUEL AMÉNDOLA  
OOCHEL DANIEL PINEDA VERA

ESPECIAL: FAUNA NUESTRA | P. 45 YÉETEL 46